

dividere, tuis? O domini nimis nimis nos? Divisio non
 possit dividere. Unde est omnis, si etiam divisione non
 possit? Alioquin enim est, beatus est, machina sua, beatis
 sunt, sapienter sunt, scilicet omnis cuiusvis pars dividere
 possunt. Non potest dividere: « Poterem in his casis
 colligere pastorelibus divisio motorem fecit: consilios
 quos fratres sed non fratres, dividit huiusmodi fratres, am-
 pollium est, formam illam, formam et illam. Poterem si de
 leprosus eius inservientem, sic respondet: Cujus est, vesti
 tatus, dominus illius? Et si tu solus dixeris: Ioseph est.
 Quia illis famulae, illis servae: in omnibus respondet:
 Cujus illis famulae, illis servae: tu domini, sed tuum
 dominum illius facias. Non tamen secundum, sed secundum
 divisionem. Si ergo ei fuisse pastorelibus dispersum, ne nos
 dividatur: dividitur istud non dispersum, ne nos
 dividatur: dividitur istud non dispersum. Hoc omnis
 dividitur: et triplex est contumacia singulare ea trium
 fratrum, et triplex est divisione. Deinde si pote facies mo-
 ratur a deo. Excepisti beatitudinem mortalem tuam, inde
 secundum dominum meum. Non solum deum fratrem paterem:
 sed et ipsi fratres fratres tuis, exquisiti seculi: O nra pietatis
 Agnus a deo. Excepisti beatitudinem mortalem tuam, inde
 secundum dominum meum, dixi in te in pietate. Cuius excep-
 tens: et non poteris dividimus.

¹ loc. cit. 13 et 4.

S. AUR. AUGUSTINI

HIPPONENSIS EPISCOPI

DE URBIS EXCIDIO.

SERMO.

I. INTUEAMUR primam lectionem sancti Danielis prophetæ, ubi eum audivimus orantem, et mirati sumus, non solum peccata populi sui, sed et sua propria confidentem. Nam post ipsam orationem, cuius quidem verba indicabant eum non solum deprecatorem, sed etiam confessorem; post ipsam ergo orationem: « Cum orarem, inquit, et confiterer peccata mea et peccata populi mei a Domino Deo meo¹. » Quis ergo est qui se sine peccato esse profiteatur, cum Daniel peccata propria confitetur? Nam superbo cuidam dictum est per Ezechielem prophetam: « Numquid tu sapientior quam Daniel²? » In tribus item quibusdam sanctis viris, per quos tria genera hominum significat Deus quæ liberaturus est, quando magna tribulatio superventura est generi humano; etiam hunc Danielem posuit: et dixit, quod nemo inde liberabitur, nisi Noë, Daniel et Job. Et quidem manifestum est, quod in his tribus nominibus tria quædam, ut dixi, genera hominum significat Deus. Jam enim tres illi viri dormierunt,

¹ Dan. ix, 20. — ² Ezech. xxviii, 3.

et apud Deum sunt spiritus eorum, et corpora eorum in terra fluxerunt: expectant resurrectionem et ad dexteram collocationem, nec aliquam in hoc mundo tribulationem timent, unde se cupiant liberari. Quomodo ergo de illa tribulatione liberabuntur Noë, Daniel et Job? Quando dicebat ista Ezechiel, solus forsitan Daniel in corpore fuit. Nam Noë et Job jam olim dormierant, et somno mortis patribus appositi fuerant. Quomodo ergo poterant de imminente tribulatione liberari, jam olim de carne liberati? Sed in Noë significantur boni præpositi, qui regunt et gubernant Ecclesiam, quomodo Noë in diluvio gubernavit arcum. In Daniele significantur omnes sancti continentes: in Job omnes conjugati juste et bene viventes. Hæc enim tria genera hominum de illa tribulatione liberat Deus. Tamen quantum sit commendatus Daniel, ex hoc appareat, quod unus ex illis tribus meruit nominari; et tamen confitetur peccata sua. Daniele ergo confiteente peccata sua, cuius superbia non contremiscat, cuius inflatio non residat, cuius tumor et elatio non cohibeatur? «Quis glo-» rietur castum se habere cor, aut quis glorietur mundum » se esse a peccato¹? Et mirantur homines, et utinam tantum mirarentur, et non etiam blasphemarent, quando corripit Deus genus humanum, et flagellis pie castigationis exagitat, exercens ante judicium disciplinam, et plerumque non eligens quem flagellet, nolens invenire quem damnet. Flagellat enim simul justos et injustos: quanquam quis justus, si Daniel peccata propria confitetur?

II. Lecta est ante dies lectio libri Geneseos, quæ nos, nisi fallor, multum fecit intentos, ubi Abraham dicit Domino, utrum si inveniat in civitate quinquaginta justos, parcat civitati propter eos, an cum ipsis perdat civitatem².

¹ Prov. xx. — ² Gen. xviii, 24.

Et respondit ei Dominus, quod si inveniat in civitate quinquaginta justos, parcat civitati. Deinde Abraham adjecit ad interrogationem, et quæsivit, utrum si minus fuerint quinque, et remaneant quadraginta-quinque, similiter parcat. Respondit Deus, parcere se et propter quadraginta-quinque. Quid multa? Paulatim interrogando et ex illo numero detrahendo pervenit ad decem, et quæsivit a Domino, utrum si decem justos in civitate compererit, perdat eos cum reliquis innumerabilibus malis, an propter decem justos parcat potius civitati. Respondit Deus, etiam propter decem justos non se perdere civitatem. Quid ergo dicimus, fratres? Occurrit enim nobis quæstio valida et vehemens, præsertim ab hominibus qui Scripturis nostris impietate insidiantur, non qui eas pietate perquirunt; et dicunt, maxime de recenti excidio tantæ urbis: Non erant Romæ quinquaginta justi? In tanto numero fidelium, tanto numero sanctimonialium, continentium, tanto numero servorum et ancillarum Dei, nec quinquaginta justi inveniri potuerunt, nec quadraginta, nec triginta, nec viginti, nec decem? Si autem incredibile est, quare non Deus propter quinquaginta; vel etiam propter decem justos pepercit illi civitati? Scriptura non fallit, si se homo non fallat. Cum de justitia quæritur, et Deus de justitia respondet; justos quaerit ad regulam divinam, non ad regulam humanam. Cito ergo respondeo: Aut invenit ibi tot justos, et pepercit civitati; aut si non pepercit civitati, nec justos invenit. Sed respondeatur mihi, manifestum esse quod Deus non pepercit civitati. Respondeo ego: Imo mihi non est manifestum. Perditio enim civitatis ibi facta non est, sicut in Sodomis facta est. De Sodomis enim quæstio erat, quando Deum Abraham interrogavit. Deus autem dixit: «Non perdam civitatem:» non dixit: Non flagello civitatem. Sodomis non pepercit, Sodomam per-

dedit : Sodomam penitus igne consumpsit, quam ad iudicium non distulit, sed in eam exercuit, quod aliis malis ad judicium reservavit. Prorsus nullus de Sodomis evasit, nihil hominis relictum est, nihil pecoris, nihil domorum : cuncta omnino ignis absorbuit. Ecce quomodo Deus perdidit civitatem. Ab urbe autem Roma quam multi exierunt et reddituri sunt ! quam multi manserunt et evaserunt ! quam multi in locis sanctis nec tangi potuerunt ! Sed captivi, inquiunt, multi ducti sunt. Hoc et Daniel, non ad supplicium suum, sed ad solatium cæterorum. Sed multi, inquiunt, occisi sunt. Hoc et tot justi Prophetæ a sanguine Abel usque ad sanguinem Zachariae¹ : hoc etiam tot Apostoli, hoc ipse Dominus Prophetarum et Apostolorum. Sed multi, inquiunt, tormentis variis excruciani sunt. Putamus-ne quisquam tantum quantum Job ?

III. Horrenda nobis nuntiata sunt, strages facta, incendia, rapinæ, interfectiones, excruciationes hominum. Verum est, multa audivimus, omnia genuimus, saepè flevimus, vix consolati sumus ; non abnuo, non nego multos audisse, multa in illa urbe esse commissa. Verumtamen, fratres mei, (intendant Charitas Vestra quod dico,) audivimus librum sancti Job¹, quod perditis rebus, perditis filiis, nec ipsam carnem quæ illi sola remanserat, salvam potuit obtinere, sed percussus gravi vulnere a capite usque ad pedes sedebat in stercore, putrescens ulcere, sanie fluens, vermibus scatens, tormentis acerbissimis dolorum cruciatus. Si nobis sic nuntiaretur universa civitas sedere, sedere, inquam, civitas universa, nullo ibi sano in gravissimo vulnera, et sic putrescere vermis vivos, quomodo mortui putruerunt : quod erat gravius, hoc-ne, an illud bellum ? Puto quod mitius in carnem humanam ferrum sœviret,

¹ Matth. xxiii, 35. — ² Job, ii, 7.

quam vermes ; tolerabilius de vulneribus sanguis erumperet, quam de putredine sanies distillaret. Cadaver corrupti respicis, et horrescis : sed ideo minor poena, quod absens anima. At vero in Job præsens anima quæ sentiret, ligata ne fugeret, subjecta ut doleret, compuncta ut blasphemaret. Sustinuit autem tribulationem Job, et deputatum est illi ad magnam justitiam. Non ergo quisquam attendat quid patiatur, sed quid faciat. Homo, in eo quod pateris, potestas tua non est : in eo quod facis, voluntas tua vel nocens vel innocens est. Patiebatur Job, stabat mulier reicta sola, non ad consolationem, sed ad temptationem ; non quæ afferret medicinam, sed quæ moneret blasphemiam : « Dic aliquid, inquit, in Deum et morere. » Videte quemadmodum illi mori beneficium fuit, et tale beneficium nemo dabat. Sed in his omnibus quæ sancta anima sustinebat, patientia exercebatur, fides probabatur, mulier confutabatur, diabolus vincebatur. Spectaculum magnum, et in illa foeditate putredinis præclara pulchritudo virtutis. Vastat latenter inimicus : aperte malum suadet inimica ; adjutorium diaboli, non mariti ; Eva nova, sed ille non vetus Adam : « Dic aliquid in Deum, et morere. » Blasphemando extorque, quod precando non potes imetrare. « Locuta es, inquit, tanquam una ex insipientibus mulieribus. » Attendite verba fortis fidelis : attendite verba foris putrescentis, intus integri. « Locuta es, inquit, tanquam una ex insipientibus mulieribus. Si bona percepimus de manu Domini, mala non sustinebimus¹ ? » Pater est, numquid amandus blandiens, et respuendus corripiens ? Nonne pater est, et promittens vitam et imponens disciplinam ? Excidit-ne tibi : « Fili, accedens ad servitutem Dei, sta in justitia et timore, et præpara animam tuam ad temptationem ? Omne quod tibi appli-

¹ Job, ii, 10.

» citum fuerit accipe, et in dolore sustine, et in humilitate
 » tua patientiam habe. Quoniam in igne probatur aurum
 » et argentum, homines vero acceptabiles in camino hu-
 » miliationis¹. » Excidit-ne tibi: « Quem enim diligit Do-
 » minus, corripit: flagellat autem omnem filium quem
 » recipit²? »

IV. Cogita quoslibet cruciatus, extende animum in
 quaslibet in hac vita poenas humanas: compara ad gehen-
 nam, et leve est omne quod cogitas. Hic temporalis, ibi
 æternus est, et qui torquet et qui torquetur. Numquid
 adhuc patiuntur, qui illo tempore passi sunt, quo Roma
 vastata est? Dives autem ille adhuc apud inferos patitur³.
 Arsit, ardet, ardebit, vivet usque ad judicium: recipiet
 carnem, non ad beneficium, sed ad supplicium. Illas po-
 enas timeamus, si Deum timemus. Quidquid hic passus
 fuerit homo, si corrigatur, emendatio est: si nec sic
 corrigatur, duplex damnatio est. Et hic enim luit poenas
 temporales, et ibi experietur æternas. Dico Charitati
 Vestræ, fratres, Martyres certe sanctos laudamus, glorifi-
 camus, admiramur, dies eorum pia solemnitate celebramus,
 merita eorum veneramur, et si possumus imitamur: Est
 profecto, est magna Martyrum gloria; sed nescio utrum
 minor gloria fuit sancti Job: nec tamen ei dicebatur: Thus
 pone idolis, sacrificia diis alienis, nega Christum: diceba-
 tur tamen: Blasphema Deum. Nec dicebatur, ut intelli-
 geretur, si blasphemaveris, putredo omnis abscessura
 sanitasque redditura est; sed, si blasphemaveris, dicebat
 inepta et insulta mulier, morieris, et moriendo tormentis
 carebis. Quasi vero morienti blasphemero non æternus do-
 lor succederet. Mulier fatua præsentis putredinis horrebat
 molestiam, æternam flammarum minime cogitabat. Ferebat
 ille præsens malum, ne incideret in futurum. Tenebat cor

¹ Eccli. n, 1-5. — ² Prov. iii, 12, et Hebr. vii, 7. — ³ Luc. xvi, 19.

a mala cogitatione, linguam a maledicto: servabat animæ
 integritatem in putredine corporis. Videbat quid in fu-
 turum evadet: ideo quod patiebatur, ferebat. Sic, sic
 unusquisque Christianus quando aliquam afflictionem
 corporis patitur, gehennas cogitet, et videat quam leve est
 quod patitur. Non murmuret adversum Deum, non dicat:
 Deus, quid tibi feci, quare ista patior? Imo dicat quod
 dixit ipse Job quamvis sanctus: « Exquisisti omnia peccata
 » mea, et ea tanquam in sacculo signasti¹. » Non se
 ausus est dicere sine peccato, qui patiebatur, non ut pu-
 niretur, sed ut probaretur. Hoc dicat unusquisque cum
 patitur.

V. Fuerunt Romæ quinquaginta justi, imo si modum
 humanum consideres, millia justorum: si regulam perfec-
 tionis, nemo justorum existit. Quicumque Romæ qui se
 audeat justum dicere, a me non audit: « Numquid tu sa-
 » pientior quam Daniel²? » Audi ergo illum confitentem
 peccata sua. An forte cum confitebatur, mentiebatur?
 Hinc ergo habebat peccatum, quia de suis peccatis Deo
 mentiebatur. Sed aliquando argumentantur homines, et
 dicunt: Debet et homo justus Deo dicere, quia peccator
 est: quamvis sciat nullum se habere peccatum, tamen di-
 cat Deo: Habeo peccatum. Miror si ista consilii sanitas
 appellanda est. Quis te facit non habere peccatum? nonne
 Deus qui sanat animam tuam? Si tamen non habes pecca-
 tum. Nam considera; et invenies, non peccatum, sed pec-
 cata. Tamen si prorsus non habes peccatum, nonne illius
 beneficium est, cui dixisti: « Ego dixi: Domine, miserere
 » mei, sana animam meam, quoniam peccavi tibi³? » Si
 ergo sine peccato est anima tua, sanata est omni modo
 anima tua: si sanata est omni modo anima tua, quare in-
 gratus es medico tuo, ut dicas vulnus esse adhuc, ubi om-

¹ Job, xiv, 17. — ² Ezech. xxviii, 3. — ³ Psal. xl, 5.

nem sanitatem ille jam fecit? Si corpus tuum languidum aut vulneratum medico ostenderes, et rogares ut tibi adhiceret curandi diligentiam, atque ille faceret, sanumque et in columem redderet, et tu adhuc dices: Non sum sanus; nonne essem medico ingratus? nonne essem in medicum contumeliosus? Si et Deus sanavit te, audes dicere: Adhuc vulnus habeo; nec times ne tibi respondeat: Ergo ego nihil egī, aut totum quod egī effudi, non accipio mercedem, non mereor vel laudem? Avertat Deus hanc amentiam, et hanc argumentationem vanam. Dicat homo: Peccator sum, quia peccator est: dicat: Peccatum habeo, quia peccatum habet. Non enim si non habet, sapientior est quam Daniel. Ergo, fratres mei, illam quæstionem aliquando determininem. Si justi sic appellandi sunt, sicut modo quodam humano justi appellantur, secundum quandam conversationem qua inter homines vivunt sine querela: multi tales Romæ; et propter hos pepercit Deus, multi evaserunt: sed et eis qui mortui sunt, pepercit Deus, Mortui enim in bona vita et vera justitia, in bona fide, nonne ærumnis rerum humanarum caruerunt, et ad divinum refrigerium pervenerunt? Mortui sunt post tribulationes, quomodo pauper ille ante januam divitis. Sed passi sunt famem? passus est et ille. Passi sunt vulnera? passus est et ille; forte minus eos canes linixerunt. Mortui sunt? mortuus est et ille: sed quo fine audi: «Contigit, inquit, » mori in opem illum, et auferri ab Angelis in sinum » Abrahæ¹. »

VI. Utinam videre possemus oculis animas sanctorum, qui in illo bello mortui sunt: tunc videretis quomodo Deus pepercit civitati. Millia enim sanctorum in refrigerio sunt, lætantium et dicentium Deo: Gratias tibi, quia nos a carnis molestiis et tormentis eruisti. Gratias tibi, quia

¹ Luc. xvi, 22.

jam nec barbaros, nec diabolum formidamus, non timemus in terra famem, non timemus grandinem, non timemus hostem, non timemus lictorem, non timemus oppressorem: sed sumus in terra mortui, apud te Deus non morituri, in regno tuo salvi, dono tuo, non merito nostro. Qualis civitas est humilium quæ ista dicit? An putatis civitatem in parietibus deputandam? Civitas in civibus est, non in parietibus. Denique si diceret Deus Sodomitis: Fugite, quia incensurus sum locum istum: nonne magnum meritum eos habere diceremus, si fugerent, et flamma de cœlo descendens moenia parietesque vastaret? Nonne Deus pepercerat civitati, quia civitas migraverat, et perniciem illius ignis evaserat?

VII. Nonne ante paucos annos (3) Arcadio imperatore Constantinopoli, (quod dico, audiunt nonnulli forsitan qui neverunt, et sunt in hoc populo qui et illic præsentes fuerunt,) volens Deus terrere civitatem, et terrendo emendare, terrendo convertere, terrendo mundare, terrendo mutare, servo cuidam suo fideli, viro ut dicitur militari, venit in revelatione, et dixit ei civitatem venturo de cœlo igne perituram: eumque admonuit ut episcopo diceret. Dictum est, non contemptit episcopus, et allocutus est populum: conversa est civitas in luctum poenitentiae, quemadmodum quandam illa antiqua Ninive¹. Tamen ne putarent homines illum qui dixerat vel falsitate deceptum vel fallacia decepisse, venit dies quem Deus fuerat comminatus: intentis omnibus et exitum cum timore magno expectantibus, noctis initio tenebrante jam mundo, visa est ignea nubes ab Oriente, primo parva, deinde paulatim ut accedebat super civitatem ita crescebat, donec toti urbi ignis terribiliter immineret. Videbatur horrenda flamma pendere, nec odor sulphuris deerat. Omnes ad

¹ Jonæ, iii, 5.

ecclesiam confugiebant, non capiebat multitudinem locus, baptismum extorquebat quisque a quo poterat. Non solum in ecclesia, sed etiam per domos, per vicos ac plateas salus sacramenti exigebatur: ut fugeretur ira, non præsens utique, sed futura. Tamen post magnam illam tribulationem, ubi exhibuit Deus fidem verbis suis, et revelationi servi sui, cœpit ut creverat minui nubes, paulatimque consumpta est. Populus securus paululum factus, iterum audivit omnino esse migrandum, quod civitas esset proximo sabbato peritura? Migravit cum imperatore tota civitas: nemo in domo remansit, nemo domum clausit: longe recedens a mœnibus, et dulcia tecta respiciens, relictis charissimis sedibus voce miserabili valefecit. Et aliquot millibus tanta illa multitudo progressa, uno tamen loco fundendis ad Deum orationibus congregata, magnum fumum subito vidit, et vocem magnam emisit ad Deum: tandemque tranquillitate conspecta, missis qui renuntiarent, sollicita quæ prædicta fuerat hora transacta, et renuntiantibus quod salva universa mœnia et tecta consistent, omnes cum ingenti gratulatione redierunt. Nemo de domo sua quidquam perdidit, patentem omnis homo sicut dimisit invenit.

VIII. Quid dicemus? Utrum ista ira Dei, an potius misericordia fuit? Quis dubitet misericordissimum patrem corrigere voluisse, et terrendo, non perdendo punire, quando nihil hominum, nihil domorum, nihil mœnium tanta impendens præsens calamitas læsit? Prorsus sicut solent manus erigi ad feriendum, et consternato illo qui feriendus erat, miseratione revocari, ita factum est illi civitati. Verumtamen si eo tempore, quo illa derelicta populus universus abscessit, irrueret vastitas loco, totamque urbem sicut Sodomam nullis saltem ruinis remanentibus perdidisset; quis etiam sic dubitaret quod Deus pepercisset illi civitati, qua præmonita et territa et discedente at-

que migrante locus ille consumeretur? Sic minime dubitandum est pepercisse Deum Romanæ etiam civitati, quæ ante hostile incendium in multis ex multa parte migraverat. Migrarunt qui fugerunt, migrarunt qui de corpore exierunt: multi præsentes utcumque latuerunt, multi in locis sanctis vivi salvique servati sunt. Manu ergo emendantis Dei correpta est potius civitas illa, quam perdita: « Tanquam servus sciens voluntatem domini sui, et faciens digna plagis, vapulavit multis¹. »

IX. Atque utinam valeat ad exemplum timoris, et mala concupiscentia sitiens mundum, et appetens perfrui perniciosissimis voluptatibus, demonstrante Domino quam sint instabiles et caducæ omnes sæculi vanitates et insanæ mendaces, potius refrenetur, quam sub flagellis dignissimis adversus Dominum murmuretur. Sed unam tribulam sentit area, ut stipula concidatur, granum mundetur; unum ignem patitur fornax aurificis, ut palea in cinerem pergat, aurum sordibus careat: sic et unam tribulationem Roma pertulit, in qua vel emendatus vel liberatus est pius; impius autem damnatus est, sive ab hac vita raptus sit ubi magis poenas justissimas lueret, sive hic remanserit ubi damnabilius blasphemaret, aut certe pro ineffabili clemencia sua Deus, quos novit salvandos, poenitentiae reservaret. Non ergo nos moveat labor piorum: exercitatio est, non damnatio. Nisi forte horremus cum videmus indigna et gravia in hac terra perpeti aliquem justum, et obliviscimur quæ pertulerit justus justorum sanctusque sanctorum. Quod passa est universa illa civitas, passus est unus. Sed videte quis unus: « Rex regum et Dominus dominantium², » comprehensus, vinctus, flagellatus, contumeliis omnibus agitatus, ligno suspensus et fixus, occisus. Appende cum Christo Romam, appende cum Christo to-

¹ Luc. xii, 47. — ² Apoc. xix, 16.

tam terram, appende cum Christo coelum et terram: nihil creatum cum Creatore pensatur, nullum opus artifici comparatur. « Omnia per ipsum facta sunt, et sine ipso factum » est nihil¹: » et tamen a consequentibus deputatus est nihil. Feramus ergo quod nos Deus ferre voluerit²; qui nobis curandis atque sanandis, quis etiam dolor sit utilis, sicut medicus novit. Certe scriptum est: « Patientia opus » perfectum habet³. » Quod autem erit opus patientiae, si nihil adversi patiamur? Cur ergo mala temporalia perpeti recusamus? an forte perfici formidamus? Sed plane oremus et ingemiscamus et ploremus ad Dominum ut servetur erga nos quod Apostolus dicit: « Fidelis Deus, qui » non vos sinet tentari supra id quod potestis, sed faciet » cum tentatione etiam exitum, ut sustinere possitis⁴. »

¹ Joan. i, 3. — ² Beda vulgatus ad i Cor. x. — ³ Jacob. i, 4. — ⁴ i Cor. x, 13.

S. AUR. AUGUSTINI

HIPPONENSIS EPISCOPI

DE HÆRESIBUS

AD QUODVULTDEUM.

LIBER UNUS .

Quoniam petis saepissime atque instantissime, sancte fili Quodvultdeus, ut de haeresibus aliquid scribam dignum lectione cupientium dogmata devitare contraria fidei christianæ, et christiani nominis obumbratione fallenchia; scias me olim longe antequam peteres, facere cogitasse, atque fuisse facturum, nisi diligenter considerans quale quantumque id esset, ultra vires meas esse sentirem. Sed quoniam fateor nullum mihi, ut te, institisse possendo: in ipsa tam molesta instantia tua etiam tuum nomen attendi, et dixi: Aggregiar et faciam quod vult Deus. Hoc enim Deum velle confido, si me ad hujus Operis terminum misericordi favore perduxerit, ut per ministerium linguae meæ tanta hujus rei difficultas aut ostendatur tantummodo, aut ipso etiam plenius adjuvante tollatur. Quorum duorum, quod priore loco posui, jamdiu est ut animo volvo ac revolvo, et quadam meditatione contueor: quod autem postea dixi, non me acce-

¹ Scriptus circiter annum 428. — ² Vide D. Guillon, tom. xxii, pag. 77 et 78.